

Comentariónan di **Carmita Muskita**

E biaha aki mi kier a hala atencion di tur mucha cu ta corre bicicleta riba caminda grandi: **CORRE CU CUIDAO!**

Poco siman pasá mi tabata zwaai hunto cu e taki den e biento suave banda di un crusada bastante pisá.

Ta net mi ta habri mi wowo cu m'a mira cu tabata tin auto na tur tres skina pará y un ta biniendo cu lo ta esun cu tin preferencia. For di un otro caminda ta bini dos hoben, cada un riba bicicleta. Mirando cu nan mester para warda un rato, nan a dicidi di subi acera pa pasa. E prome a pasa bon, net n'e lorada tin un borchí di tráfico y el a 'squeeze' mei-mei di e borchí y e edificio, pero e di dos a faya... El a topa cu e borchí, ... ta eyan mes el a perde control, bicicleta a troce y e mes a cai cu un pia riba caminda! E auto cu tin preferencia tabata bin poco-poco cu e por a para na tempo. Pero ay muchanan! Boso sea cauteloso, no mucho tempo pasa un otro desgracia cu bicicleta a pasa, unda sí tabata tin consecuencia fatal pa e hoben.

Principalmente den e temponan cu ta druk aki, tene bon cuenta cu tráfico, y no trece desgracia ni pabo ni pa bo sernan kerí...


PASA un PASCO y un AÑA NOBO contento, jena di salud!!!

ARUBA

...antes y awor...

Ta ken no conoce e hamaca aki? E brug di Balashi cu ta colga hopi abao riba e lagoen.

Despues cu Lago a establece na Aruba, tabata tin mester di un



coneccion mas rapido entre Oranjestad y San Nicolas. Nan a cuminsa construi e brug aki y a termin'é na 1929. Ripara bon riba e dos potretnan aki cu no tabata tin ni Tele-Aruba ni Casa Cuna, y tampoco mucho cas, e matanan a crece poco, pero e brug a keda mescos.

Prome cu Juli 1970 e brug aki tabata forma parti di e carretera principal entre Oranjestad y San Nicolas, y ta miles di auto y busnan tabata pasa diariamente bai bin riba dje durante e temporada di Lago.

Cu construccion di un caminda nobo, tambe cu un brug nobo y mas halto, e no ta mes hopi usá mas.

Maske cu hopi ta jam'é hamaca, e brug aki ta bon fuerte ya cu el a wanta



tantísimo año y te hasta diferente horcan.

Lo ta bon conserva esaki tambe como un monumento nacional.

FLUORIDE TOOTHPASTE
Aquafresh
TRIPLE PROTECTION

Kids

Bubblemint

doño

- Cavity Protection
- Helps Remove Plaque
- Freshens Breath



AQUAFRESH ta preveni caries door cu e tin fluoride...



AQUAFRESH ta fresca e aliento...



AQUAFRESH ta kila e plak cu ta keda pegá na bo djente. Tur esaki den un pasta di djente hopi dushil

Despues di cada cuminda pa preveni caries!

Chabalito

Number 3 - Año VI - Afl. 2,=



BIBLIOTECA NACIONAL ARUBA



3 0993 00078 248 2